

Prome laboratorio na Aruba completamente acredita den tur disciplina

Lab di Hospital ta logra acreditacion internacional y prestigioso ISO 15189

LABHOH di Horacio Oduber Hospital cu orguyo t'e prome laboratorio na Aruba cu a logra acreditacion reconoci internacionalmente ISO-15189 cu e pakete amplio di pre-analyse, KCH, pathologie y medische microbiologie. Raad voor Accreditatie ta reconece servicio di laboratorio di calidad excepcional y alabes e credibilidad, y tambe dedicacion pa loke ta cuida di nos pashentnan.

Gregory Croeze, miembro di Hunta di Directiva di HOH, no por a keda sin expresa e orguyo cu e ta sinti pa LabHOH cu e logro di e acreditacion di ISO 15189 di Raad voor Accreditatie reconoci mundialmente. LabHOH t'e prome laboratorio cu ta completamente acredita den tur disciplina na Aruba y cu e pakete amplio nos ta brinda cuida na loke ta trata prome y di dos linea di cuida na Aruba y esaki ta refleha sigur e acuerdo colectivo di LabHOH.

E acreditacion ISO 15189 ta un seyo di calidad reconoci internacionalmente cu ta evalua laboratorio medico riba su competencia tecnico, precision di resultado y implementacion di un sistema di maneho fuerte di calidad. Esaki ta subraya LabHOH su compromiso continuo pa cumpli cu e standardnan mas halto den cuida medico y diag-

nostico. *"E trayecto tabata di 1 aña"*, asina Ingmar Ramharakh, Coördinator Kwaliteit en Veiligheid, a inicia bisando. Ya caba e departamento di microbiologia tabata acredita pa cuater aña y un aña pasa a inicia cu e proceso pa acredita tur disciplina di LabHOH. Ramharakh den su funcion e acreditacion di calidad tin un gran nificacion pasobra esaki t'e prueba cu LabHOH ta brinda e servicio di calidad cu comunidad di Aruba merece.

Unico na Aruba

Montsy Brouns, Laboratorium specialist, a expresa e honor cu e ta sinti di por forma parti di un ekipo cu a logra e seyo di calidad den tur disciplina. E motibo principal ta pasobra LabHOH t'e unico laboratorio na Aruba cu ta conta cu e pakete completo di tur disciplina di specialisacion manera kimica, hematologia, patologia y microbiologia. *"Nos t'e laboratorio di hospital di Aruba cu semper t'ey"*, Brouns a enfatisa. Esaki ta nifica cu nan t'ey 24/7 pa nan pashentnan clinico y tambe pa brinda servicio n'esnan cu ta yega na cada un di e localidadnan di prikpost.

Un team uni pa brinda calidad

E analistanan t'e prome cara cu e cliente y pash-

entnan ta encontra. Souheila Wegereef, Senior analyst/functioneelbeheer, a duna di conoce cu e team ta uno hopi uni y riba mesun liña di proceso. Di e manera aki ta garantisa cu tur procedura ta na ordo pa brinda servicio di calidad. Y danki n'e acreditacion aki reconoci internacionalmente ta duna tur cliente y pashent mas confiansa den LabHOH y su servicio di calidad.

Cyrielle Lacle-Diaz - Teamleider Pathologie, a conta cu e acreditacion aki ta nifica pa nan departamento cu na momento cu e material di e pashent yega LabHOH, lo atende cu ne di un manera standarisa pa asina por brinda e calidad segun e normanan internacional.

Innova y mehora

E acreditacion aki reconoci internacionalmente tambe ta refleha den e vision di HOH, cu ta duna cuida accesibel na tur hende, manteniendo e calidad riba e nivel mas halto. Pa finalisa, Croeze a expresa cu e acreditacion aki, no solamente ta reconece e nivel di calidad di cuida cu LabHOH ta brinda pa hopi aña caba, pero tambe e ta un compromiso cu HOH ta asumi cu e meta pa sigui innova y mehora continuamente.

FESTIVAL DI TUMBA CURAÇAO 2025

DISFRUTA 5 ANOCHI FOR DI BO CAS!

PREFINAL: 3 PA 5 DI FEBRUARI

GRAN FINAL : 7 DI FEBRUARI

**PAKETENAN
DI PAY PER VIEW
GENERAL**

AFL.150 (1 PAGO)

AFL.170 (2 PAGO)

**PAY PER VIEW
PAKETE BUSINESS**

AFL. 400

BUSCA BO PPV!

YAMA 5251002 OF BISHITA NOS TEleshop

**FESTIVAL DI
TUMBA
#51
ANA 2025**

SETAR